

«Когон ёғ экстракция заводи» АЖ тарихи

Когон шахрида ёғ мой заводининг қурулиши XIX аср охирида бошланиб, 1910-йилда ишлаб чиқариш ишга тушурилган. Ўша пайт заводда 6 та гидравлик пресс, 2 та роликли машина, 4 та ядрони қообиқдан ажратиш агрегати, 18 та линтер ва 8 пахта тозалаш машинаси ишлаган. 1915-йилда ёғ заводини хусусий тадбиркор бошқариб, хар куни 5-7 тонна пахта ёғи ишлаб чиқарилиб, унинг асосий қисми Россияга жўнатишган.

Иккинчи жаҳон уруши йилларида ишлаб чиқариш хажми камайган. Шу боис заводни техник қайта жихозлаш, янги илғор технологияларни қўллаш вазифаси қўйилди. 1956 йилда гидропресс цехи қайта таъмирланди, бу эса заводнинг ишлаб чиқариш қувватини уруш йилларига нисбатдан 1.5 баробар ошириш имконини берди. 1968 йилда қайта ишлаш цехи, 1971 йилда экстракция цехи, 1972 йилда шрот омборлари қурилди. 1983 йилда пресс ускуналарида учта тажриба штказилди, шу жумладан «Г-24» русумли пресслар жамиятда синовдан ўтказилгандан сўнг республикамизнинг бошқа заводларида қўлланила бошланди. 1989, 2010, 2015 йилларда заводда барча ускуна капитал таъмирланиб, 11 минг тоннагача пахта чигитини сақлаш имконини берувчи омборхона қурилди.

1994- йилда Когон ёғ экстракция жамияти “Kogon yog‘ ekstraksiya” очик акциядорлик жамияти сифатида қайта рўйхатдан ўтказилди ва шу йили кир совун ишлаб чиқариш цехи фойдаланишга топширилди.

1999 йилда Франциянинг “STEKA BOTTLES” компанияси билан ҳамкорлик натижасида заводда сифими 1 литр бўлган ПЭТ бутилкаларда ўсимлик мойини қадоқлаш учун ярим автоматик линия харид қилинди. 2005-йилда кунига 15 тонна қувватга эга пахта еғини дезодарациялаш линияси ишга тушурилди. Шу йилнинг ўзида соатига 25 тонна қувватга эга қозонхона цехининг янги линияси ишга тушурилди

2018 йилда хитойлик ҳамкорлар билан биргаликда ярим автоматик ёғ қуйиш линияси замонавий тўлиқ автоматлаштирилган линияга алмаштирилди. Ушбу линия Хитой Республикасининг “Chan Power Machinery” ишлаб чиқарувчиси томонидан етказиб берилди. Шунингдек шу йили Хитой Республикасида ишлаб чиқарилган иккита роликли вальцовка ва вертикал филтрлар ишлаб чиқариш цехида ўрнатилди.

Бугнги кунда “Kogon yog‘ ekstraksiya” АЖ ишлаб чиқариш корхонаси бўлиб, у ўзининг ривожланишининг бошидан то ҳозирги кунгача ўзининг технологик ва ишлаб чиқариш базасини такомиллаштириш устида тинимсиз меҳнат қилиб келмоқда, бундан қўзланган мақсад доимий такомиллаштириш ва корхона ва корхона самарадорлигини оптималлаштиришдур.